



**UGOVOR
ZA NABAVKU USLUGE**

- **Izrada izvedbenog (glavnog) projekta za izgradnju Odjeljenja forenzičke psihijatrije pri Javnoj ustanovi Psihijatrijska bolnica Kantona Sarajevo**

zaključen između ugovornih strana:

"JAVNA USTANOVA PSIHIJATRIJSKA BOLNICA KANTONA SARAJEVO"
71000 Sarajevo, Nahorevska br. 248, koga zastupa direktor dr Muhamed Ahmić, u daljem tekstu ovog ugovora "naručilac", PDV broj: 200124040004

I

"ECOPLAN" D.O.O.

88 000 Mostar, Dr. Ante Starčevića br. 3 koga zastupa direktor Marko Puljić, univ. bacc. oecc., u daljem tekstu ovog ugovora "izvršilac", PDV broj: 227195640008

I PREDMET UGOVORA

Član 1.

Predmet ovog ugovora je nabavka usluge - Izrada izvedbenog (glavnog) projekta za izgradnju Odjeljenja forenzičke psihijatrije pri Javnoj ustanovi Psihijatrijska bolnica Kantona Sarajevo, ukupne bruto građevinske zbirne površine, BGP = 6.133,99 m², u svemu prema zahtjevima naručioca iz Tenderske dokumentacije broj: JN-06.2-2282/18, koja je sastavni dio ovog ugovora, i Ponude izvršioca, broj: II-548/18 od 12.10.2018. godine, koja je prilog i sastavni dio ovog ugovora.

Obim usluge koja je predmet ovog ugovora određen je Projektnim zadatkom i idejnim projektom naručioca, koji je prilog i sastavni dio ovog ugovora.

II CIJENA

Član 2.

Ugovorena cijena za izvršenje usluge - Izrada izvedbenog (glavnog) projekta za izgradnju Odjeljenja forenzičke psihijatrije pri Javnoj ustanovi Psihijatrijska bolnica Kantona Sarajevo, iznosi:

Cijena: 180.000,00 KM

Popust (38,00 %): 68.400,00 KM

Cijena sa popustom: 111.600,00 KM

PDV (17%): 18.972,00 KM

UKUPNO: 130.572,00 KM

Cijena u slovima: stotridesethiljadapetstosedamdesetdvije konvertibilne marke.

Cijena je formirana na bazi obima usluge - Izrada izvedbenog (glavnog) projekta za izgradnju Odjeljenja forenzičke psihijatrije pri Javnoj ustanovi Psihijatrijska bolnica Kantona Sarajevo, iz priloga ovog ugovora (Obrazac za cijenu ponude - usluga).

Ugovor za izvršenje kompletne usluge je na bazi fiksnih jediničnih cijena iz priloga ovog ugovora. Porez na dodatu vrijednost je posebno iskazan i uračunat je u ukupnu cijenu.

Ugovorena cijena je nepromjenljiva za vrijeme trajanja ugovora.

III ROK IZVRŠENJA

Član 3.

Izvršilac se obavezuje da će uslugu - Izrada izvedbenog (glavnog) projekta za izgradnju Odjeljenja forenzičke psihijatrije pri Javnoj ustanovi Psihijatrijska bolnica Kantona Sarajevo, izvršiti stručno i kvalitetno za devedeset (90) dana od dana stupnja na snagu ugovora, obezbjeđujući tehnički kontinuitet izvršenja predmetne usluge.

Rok izvršenja produžava se u slučaju više sile za cijelo vrijeme njenog trajanja.

IV VIŠA SILA

Član 4.

Za svrhe ovog ugovora pod višom silom podrazumijevaju se događaji i okolnosti koje se nisu mogle predvidjeti, izbjeći ili otkloniti u vrijeme zaključenja ugovora i koji ugovorne strane onemogućavaju u izvršenju ugovorne obaveza.

Nemogućnost bilo koje ugovorne strane da ispuni bilo koju od svojih ugovornih obaveza neće se smatrati raskidom ugovora ili neispunjavanjem ugovorne obaveze, ukoliko se takva nemogućnost pojavi usljed dejstva više sile, s tim da je ugovorna strana koja je pogođena takvim događajem:

- a) preduzela sve potrebne mjere predostrožnosti i potrebnu pažnju, kako bi izvršila svoje obaveze u rokovima i pod uslovima iz ovog ugovora, i
- b) obavijestila drugu ugovornu stranu na način koji je u datoj situaciji jedino moguć, odmah po nastanku više sile, a najkasnije u roku od tri (3) dana od pojave takvog događaja i preduzetim mjerama na otklanjanju štetnih posljedica dejstva više sile.

Strana, koja je poslala takvu obavijest će biti oslobođena od izvršenja ili tačnog izvršenja svojih obaveza pod ugovorom, tako dugo, koliko predmetni događaj više sile traje i do obima do kojeg je realizacija posla spriječena, ometana ili zakašnjela. Vrijeme

završetka će biti produženo za period koji će biti fer i razuman uzimajući u obzir sve okolnosti koje stvarno odražavaju kašnjenje ili ometanje pretrpljenih od strane izvršioca.

Ukoliko je ispunjenje ugovorene obaveze postalo nemoguće za izvršioca zbog događaja za koji nije odgovorna ni jedna ni druga strana (viša sila), gasi se obaveza i naručioca.

U slučaju nastupanja okolnosti više sile ukoliko je jedna ugovorna strana nešto ispunila od svoje ugovorene obaveze, može zahtijevati vraćanje po pravilima o vraćanju stečenog bez osnova.

U slučaju djelimične nemogućnosti ispunjenja obaveze izvršioca zbog događaja za koji nije odgovorna ni jedna ni druga strana (viša sila), naručilac može raskinuti ugovor ako djelimično ispunjenje ne odgovara njegovim potrebama, inače ovaj ugovor ostaje na snazi, u kojem slučaju naručilac ima pravo da zahtijeva srazmjerno smanjenje svoje obaveze.

V NAČIN PLAĆANJA

Član 5.

Plaćanje predmetne usluge vršit će se na sljedeći način:

- 20% od vrijednosti ugovora, u roku od šezdeset dana (60) od dana potpisa ugovora i dostavljene bankovne garancije na iznos fakture sa pdv-om i na period od 6 mjeseci,
- 70% od vrijednosti ugovora, u roku od šezdeset dana (60) od dana izvršenih izmjena u projektnoj dokumentaciji prema nalazima revidenta Projektna dokumentacije (nakon izvršenja obaveza u skladu sa tačkama 6.4. i 6.5. tenderske dokumentacije) i
- 10% po dobijanju građevinske dozvole, a maksimalno stotinu i osamdeset (180) dana po isporučenom projektu.

VI UGOVORNA KAZNA

Član 6.

Ukoliko izvršilac ne izvrši svoje obaveze u ugovorenom roku, dužan je da za svaki dan zakašnjenja plati ugovornu kaznu u iznosu od 1% od ukupne vrijednosti ugovorene cijene. Ukupna vrijednost ugovorne kazne koja se plaća ne može iznositi više od 10% od ukupne vrijednosti ugovorene cijene.

Ugovorna kazna se obračunava od prvog dana poslije isteka ugovorenog roka izvršenja. Obračun i naplata ugovorne kazne izvršit će se umanjnjem računa izvršioca za vrijednost obračunate ugovorne kazne.

Naručilac ima pravo zahtijevati ugovornu kaznu i kad njen iznos premaši visinu štete koju je pretrpio, kao i kad nije pretrpio nikakvu štetu.

Ako je šteta koju je naručilac pretrpio veća od iznosa ugovorne kazne, on ima pravo zahtijevati razliku do potpune naknade štete.

Ugovorne strane su saglasne da se izvršilac oslobađa plaćanja ugovorne kazne u slučaju kada je do zakašnjenja u realizaciji ugovora došlo zbog uzroka više sile za koje izvršilac nije odgovoran.

VII OBAVEZE IZVRŠIOCA

Član 7.

Pored obaveza koje su predviđene važećim propisima, ovim ugovorom izvršilac je obavezan:

- da u roku od petnaest (15) dana od obostranog potpisivanja ugovora dostavi naručiocu garanciju za uredno izvršenje ugovora u iznosu od 10% od vrijednosti ugovora, s rokom važnosti garancije od dana zaključenja ugovora do krajnjeg roka izvršenja predmetne usluge plus trideset (30) dana,
- da nema pravo da zapošljava, u svrhu izvršenja ugovora o nabavci predmetne usluge, fizička i pravna lica koja su učestvovala u pripremi tenderske dokumentacije ili su bila u svojstvu člana ili stručnog lica koje je angažovala komisija za nabavke, i to najmanje šest (6) mjeseci po zaključenju ugovora, odnosno od početka realizacije ugovora,
- da izradu predmetne projektne dokumentacije, obavi kvalitetno i u predviđenom roku, u skladu s Projektnim zadatkom, važećim propisima, pravilima struke, odredbama ovog ugovora i drugim instrukcijama od strane naručioca,
- da snosi sve eventualne troškove koji budu prouzrokovani predmetnim projektovanjem od strane izvršioca prema trećim licima u smislu korištenja njihovih podloga i rješenja za projektovanje koja nisu dozvoljena,
- da izrađenu projektnu dokumentaciju dostavi u sjedište J.U. Psihijatrijska bolnica Kantona Sarajevo (Nahorevska 248), u jednom primjerku, štampanu i tvrdo koričenu (uvezanu u knjigu, format A4) po knjizi iz Aneks 12. i na CD-u u zaštićenom elektronskom (pdf) formatu. Grafičke priloge većeg formata od A4 složiti (presaviti) na A4 format.
- da izvrši izmjene u projektnoj dokumentaciji, prema nalazima interne revizije naručioca, istu dostavi, u sjedište J.U. Psihijatrijska Bolnica Kantona Sarajevo (Nahorevska 248), u četiri (4) primjerka štampanih i tvrdo koričenih (uvezanih u knjigu, format A4) po knjizi iz Aneks 12. i na CD-u u editabilnom (doc, dwg) i zaštićenom elektronskom (pdf) formatu. Grafičke priloge većeg formata od A4 složiti (presaviti) na A4 format.
- da kao sastavni dio svake knjige projekta priloži odgovarajuće licence za izradu projektne dokumentacije,
- da će eventualno podugovoranje dijela predmetne usluge vršiti u skladu s izjavom o podugovaranju koja je data u obrascu za ponudu, odnosno da će uvođenje podugovarača vršiti na osnovu prethodne saglasnosti naručioca i ispunjavanja uslova kako je to navedeno u izjavi obrasca za ponudu.

VIII OBAVEZE NARUČIOCA

Član 8.

Pored obaveza koje su predviđene važećim propisima, ovim ugovorom naručilac je obavezan:

- da obezbijedi odgovarajuće inženjersko-tehničko osoblje za kontrolu realizacije poslova po ovom ugovoru,
- da obezbijedi i dostavi izvršiocu ovjeren Idejni projekat u printanoj formi kao i na CD-u,
- da obezbijedi i dostavi sve načelne saglasnosti svih javnih preduzeća potrebnih za realizaciju projekta,
- da obezbijedi i dostavi geotehnički elaborat o nalazima i nosivosti tla,
- da obezbijedi geodetski elaborat snimka lokacije,
- da u roku od deset (10) dana računajući od dana dostavljanja projektne dokumentacije od strane izvršioca, izvrši internu reviziju i u pisanoj formi obavijesti izvršioca da ima/nema primjedbi,
- da preuzme projektnu dokumentaciju, na kojoj su izvršene izmjene, prema nalazima interne revizije naručioca, u četiri (4) primjerka štampana i tvrdo koričena (uvezana u knjigu, format A4) i na CD-u u editabilnom (doc, dwg) i zaštićenom elektronskom (pdf) formatu i da u roku od trideset (30) dana o svom trošku realizuje reviziju projektne dokumentacije,
- da izvršiocu dostavi projektnu dokumentaciju sa zaključcima izvršene revizije projektne dokumentacije,
- da po izvršenim izmjenama izvršioca, prema zaključcima revizije, izvrši kontrolu ispravke projektne dokumentacije,
- da izmiruje obaveze u skladu s odredbama iz ovog ugovora.

IX RASKID UGOVORA I NAKNADA ŠTETE

Član 9.

Kada jedna ugovorna strana ne ispuni svoju obavezu, druga strana može, ako nije drugačije određeno ovim ugovorom, zahtjevati ispunjenje obaveza ili, pod uslovima predviđenim ugovorom i ugovorenim materijalnim pravom, raskinuti ugovor, ako raskid ugovora ne nastupa po samom zakonu, a u svakom slučaju ima pravo na naknadu štete.

U slučaju raskida/djelimičnog raskida ugovora, ugovorne strane imaju pravo na naknadu štete koju trpe zbog kršenja ugovora od druge ugovorne strane.

X ZAVRŠNE ODREDBE

Član 10.

- Ovaj ugovor smatra se zaključenim danom obostranog potpisivanja, a stupa na snagu dostavljanjem garancije za uredno izvršenje ugovora iz člana 7. alineja 1. ovog ugovora.
- Ugovorne strane su saglasne da ukoliko izvršilac ne ispuni uslov iz tačke 1. ovog člana smatrat će se da ugovor nije ni zaključen.
- Sve nastale sporove ugovorne strane riješit će sporazumno, a ako to nije moguće spor će biti riješen pred nadležnim sudom u Sarajevu.

Član 11.

Ovaj ugovor sačinjen je u četiri (4) primjerka od kojih svaka ugovorna strana zadržava po dva (2) primjerka.



Sastavni dijelovi ovog Ugovora su:

- Ponuda izvršioca;
- Obavještenje o nabavci: 474-1-2-31-3-7/18;
- Projektni zadatak i Tenderska dokumentacija naručioca: JN 06.2-2282/18, u kojem je definisana usluga koja je predmet ovog ugovora.

Prilozi ovog Ugovora su:


- Ponuda izvršioca;
- obrazac za ponudu i izjava ponuđača;
- obrazac za cijenu ponude-usluge;
- Rok izvršenja usluge;
- Odgovarajuće licence za izradu tehničke dokumentacije za objekte
- Ovjereni Projektni zadatak

Broj: 06.4- 564 /19
Datum: 19.02.2019. godine

ZA IZVRŠIOCA:
Direktor

Puljić Marko
univ. bacc.oecc.

ecoplan
Dr. Anle Starčevića 3, 88000 Mostar, BiH
Pomoćnik za: *poslovno i urbanističko planiranje, projektiranje i konzultiranje*

1-58-480119

ZA NARUČIOCA:
Direktor


Ahmić dr Muhamed
spec. neuropsihijatar

